



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lv dovici || De Ponte Vallis-|| Oletani, È Societate ||
Jesv Theologi.|| De || Christiani hominis || Perfectione In
Qvo-|| libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1625

§. 3. Regiones & loca habitationis magnam habere affinitatem cum
varietate Nationum.

urn:nbn:de:hbz:466:1-39637

Li 3. de Con
sol.

o Isia.
Nobilitas
ad virtu-
tem cogit.

p Ioan. 8. 39.

q Mat. 1. 9.

Nobilitas
honoranda.

Nationum
varietas.

1.
Natiuitas.

fœdare. Si enim aliquid boni est in nobilitate, illud est, (vt ait Boetius) quod certa necessitate successores constringat, maiores suos æmulari; nec degenerare à virtute & excellentia, quam illi ipsis reliquerunt. Qua ratione vtebatur Isaias vt iustos sui populi excitaret dicens: o *Attendite ad petram, unde excisi estis; & ad cauernam laci, de qua præcisi estis. Attendite ad Abraham patrem vestrum, & ad Saram, qua peperit vos*: quasi illis diceret: siquidem estis filij aded nobilium & Sanctorum parentum, imitamini eorum vitam, obedientiam, & sanctitatem: nec in puncto ab ea degeneretis. Et hoc ipsum clariùs adhuc dixit Christus Dominus noster Iudæis, iactantibus se Patrem habere Abraham: p *si filij Abrahæ estis, opera Abrahæ facite*: ne solum nomen iactetis, & nobile genus; sed date operam, vt vita vestra nobilitati vestra respondeat: alioquin parum vobis proderit quod radix sit sancta, si ramus est aridus & inutilis. Contra verò, q *Ne velitis* (inquit S. Ioannes Baptista) *dicere Patrem habemus Abraham. Dico enim vobis quia potens est Deus de lapidibus suos suscipere filios Abrahæ; & facere, vt homines viles genere, illustres sint, & operibus nobiles*. Gloriamini vos esse filios operum vestrorum, quemadmodum fuit Abraham, & Patres vestri: & tunc licebit gloriari, quod sitis eorum filij. Non hæc mihi mens est, vt his rationibus velim disparitatem hanc inter nobiles, & eos qui tales non sunt, à Christiana Republ. remouere: siquidem (vt etiam est dictum) à diuina prouidentia consilio ita est constitutum: Et lex Euangelica non contradicit consilij auctoris nature: qui quemadmodum vult esse in Republica Reges, Gubernatores ac Dominos; ita voluit, esse Nobiles & præclaros viros, remunerans maiorum insignia facinora, non solum in ipsismet, sed etiam in descendentes: vt in eis eorum memoria sit perpetua: & vt ipsimet Successores excitarentur, ad eandem similitudinem operum nobilitatem promouendam.

§. 3. *Regiones & loca habitationis magnam habere affinitatem cum varietate nationum.*

CUM varietate nationum magnam habent affinitatem regiones, & loca habitationis earum, qua eadem diuina prouidentia etiam distribuit, ac per aliquam ex quatuor vijs deducit.

PRIMA via est *Natiuitas*: constituit enim, vt aliqui homines inter Christianos, alij inter Ethnicos aut Hæreticos nascerentur: & qui inter Christianos, alij in locis frequentibus, ac politicis; vbi & floret doctrina, & magna sunt media & occasiones ad perfectionem, & vitam æternam consequendam; alij verò in syluis & pagis, omnibus his bonis destitutis.

PRÆTEREA aliquæ mutationes ad varia loca eueniunt, per captiuitatem, exilia, bella, fames, pestes, aut persecutiones, & varia alia infortunia: aliæ verò mutationes eueniunt à Regibus & Principibus, aut Prælati Ecclesiæ & Religionum, mittentibus suos subditos ad diuersas prouincias, ad varia officia & ministeria in earundem vtilitatem exercenda; aut ob alios sanctos fines: & aliæ denique veniunt à proprijs propensionibus, ac honestis hominum desiderijs, quibus mouentur ad huiusmodi mutationes: quemadmodum illi, qui ex sua patria exeunt occasione studiorum, militiæ, mercaturæ, & aliorum variorum negotiorum. Quocumque autem modo eueniant, dirigit prouidentia diuina ad effectus admirandos in bonum electorum: qui fiduciam suam in Deo reponentes, tradunt se sanctæ ipsius voluntati, & ordinationi: cui qui resistunt, contrariam tenentes viam, grauissima expectantur damna: quemadmodum fuse ostendemus varijs exemplis in Tractatu de Statu religioso: in quo magis splendet prouidentia diuina circa huiusmodi immutationes: & ibidè licebit sæcularibus videre partem, quæ circa huiusmodi mutationes ad ipsos spectat.

CAPVT IX.

DEI PROVIDENTIA IN DISTRIBVENDIS
*diuitijs & paupertate, eiusque per utrasq; consolatio
 & perfectio & ratio eam consequendi
 pro diuitibus & pauperibus.*

STVPENDÆ sunt diuinæ sapientiæ ac prouidentię consilia, non solum in distributione *diuitiarum & paupertatis* inter suos electos; sed multò adhuc ampliùs in eisdem ad eundem sanctitatis portum deducendis, per diuitias, & paupertatem; quæ sunt tamen inter se aded diuersæ, & in aliquibus effectibus valdè contrariæ. Nolo hæere in referendis secretis & arcanis Dei in hanc sortium distributione, siue illæ per *hereditatem* habeantur, siue propria *industria*: cum plurima sint de his in præcedentibus capitibus indicata, & experientia nos doceat: aliquos natos pauperes, etiamsi magnam adhibeant diligentiam, nunquam fieri diuites: quia Sapiens ait: *a opes faciunt sibi pennas quasi Aquilæ, & mira pernitate volant in calum*, ita fugiunt ab eis, consilijs illorum, tanquam sal in aqua, per vias de quibus ipsi minimè cogitant, dissolutis. Alijs exigua adhibita indu-

2.
Necessitate.3.
Missionæ.4.
Voluntate.

Omnia propter electos.

Per contraria ad eundem finem deducit Deus.

c. postum est exempli iacob & Laban.
a Prou. 23.5.